


Rü yexguma 6 ga tauemacü marü ngixũ mexgu ga
Erichabé nax naxãxacüxũ, rü Tupana rü Gariréaanewa
yexmane ga ñane ga Nacharétuwa nanamu ga norü
orearü ngeruxũ ga Gábi. Rü Gábi rü ngixũtawa naxũ ga
wüxi ga pacü ga taguma yatü ngĩmaxã maxũcü. Rü
María nixĩ ga ngĩéga. Rü ngĩma rü ixãtechaũ namaxã
ga wüxi ga yatü ga Yúchegu ãégacü.
Rü nüma ga Yúche rü nũxcümaũcü
ga ãëxgacü ga Dabítanüxũ nixĩ.



Rü yexguma ga Gábi rü ñanagürü
ngĩxũ: —Pa Maríax, ¡taxũ i cumuũxũ!
Erü Tupana rü poraãcũ cumaxã
nataãxẽ. Rü ñuxma rü tá
tauemacũ cuxũ inayarütaxu,
rü tá cuxãxãcũ, rü tá nayatũ
i cuxacũ. Rü Ngechuchugu
tá cunaxüéga. Rü nüma rü
wüxi ya ãẽxgacũ ya tachigacũ
tá nixĩ. Rü Tupana ya Guxũétüwa
Ngẽxmacũ Nane tá nixĩ i naéga.



Rü Cori ya Tupana rü tá norü oxi ga
Dabírüxũ ãẽxgacüxũ nayaxĩxẽxẽ.
Rü nüma rü guxũgutáma
Acóbutanüxũarü ãẽxgacü nixĩ.
Rü tagutáma ínanguxuchi
nax norü ãẽxgacü
yixĩxũ — ñanagürü.



Rü yexguma ga María rü Gábina ica,
rü ngĩgürügü: —¿Ñuxãcũ tá nixĩ i
ngẽma nax chaxãxacũxũ, erü
tauxta chaxãte? — ngĩgürügü.
Rü nüma ga daxũcüãx ga Gábi
rü ngĩxũ nangãxũ,
rü ñanagürü:
—Tupanaãxẽ ya
Üü necũ tá cuxna
nangu.



Rü Tupana ya Guxũétüwa
Ngẽxmacüarü pora rü wüxi i
caixanexũrũxũ tá cugu
nayangaixema. Rü ngẽmacax
ngẽma cune rü Üü necü ya
Tupana Nanemaxã tá
nanaxugü i duũxũgü.



Rü yema ngunexũgũgu rü María rü paxãma
nawa ixũ ga guma ñane ga Chacaríapata
nawa yexmane ga Yudéaaneerũ
máxpũxanexũwa. Rü
Chacaríapatawa ingu,
rü íyaxücũ, rü
Erichabéxũ irümoxẽ.
Rü yexguma Erichabé
nũxũ ñnũgu ga
Maríaarũ moxẽ,
rü ngĩrũ õxchana ga
ngĩñnũwa yexmaxũ
rü nixĩãxcũxũ.



Rü Tupanaãxê ya Üü necü rü Erichabéna nangu. Rü yexguma ga Erichabé rü tagaãcü Maríaxü ngĩgürügü: —Guxü i ngexügüarü yexera Tupana cuxü narüngüxêxê. Rü ngëxgumarüxü ta cunexü narüngüxêxê.




Rü ñaãcũ nixĩ ga yexguma
nabuxgu ga Ngechuchu ya
Cristu. Rü naé ga María rü
marü Yúchemaxã ixãtechaũ.
Natürü naxũpa ga nügüna
nax nangugũxũ rü marü
Tupanaãxẽ i
Üünexũarü pora
ngĩxũ nabáxi rü
yemacaḡ ixãxacü.
Rü Yúche ga María
ngĩtechaũ ixĩcũ rü wüxi ga
yatü ga aixcũmacü nixĩ.



Rü yemacaḡ tama nanangoḡẽẽchaũ
ga yema nax naxãxacũxũ ga
María. Rü nagu narũxĩnũ ga
bexmamare ngĩxũ
nax ínatáxũ.



Rü yexguma yemagu ínaxĩnüyane, rü wüxi ga daxũcüãx
ga Tupanaarü orearü ngeruxũ, rü nanegüwa naxcax
nangox rü namaxã nidexa. Rü ñanagürü
nüxũ: —Pa Yúche Pa Dabítanüxũx, ¡taxũ
i ngĩxũ cuxoxũ i María nax ngĩmaxã
cuxãmaxũ! Erü Tupanaãxẽ ya Üünecü
ngĩxna nangu rü ngẽmacax nixĩ i
naxãxacüxũ. Rü ngĩma tá ngĩxũ
nangẽxma ya wüxi ya
ngĩne, rü cuma rü
tá



Ngechuchugu cunaxüéga.



Rü ngēma naéga rü “maxēēruxū”, ñaxūchiga nixī, erü
nūma tá norü pecadugüwa ínananguxūxēxē i norü
duūxūgü —ñanagürü. Rü yexguma pewa
nabaixāchigu ga Yúche, rü nanaxü ga
yema Tupanaarü orearü ngeruxū ga
daxūcüāx namaxā nüxū ixuxū. Rü
Maríamaxā naxāxmaḁ. Natürü taguma
ngīxūnexū nacuaḁ ñuxmata nabu
ga gumá ngīne. Rü
Ngechuchugu



nanaxüéga.



Rü yexguma Augútu ãēxgacü ixĩxgu ga Rómawa, rü
nanaxunagü nax yaxugüãxũ ga guxũma ga duũxũgü ga
norü naanewa yexmagüxũ.
Rü guxũma ga duũxũgü rü
norü ãane ga nagu
nabuxũnewa



nixĩchigü nax yéma yaxugüãxũcax.



Rü yemacaḡ ga Yúche rü Gariréaanewa yexmane ga
ĩane ga Nacharétuwa inaxũãchi, rü Yudéaanewa
yexmane ga ĩane ga
Beréũwa naxũ. Rü gumá
nixĩ ga ĩane ga
nũxcümaũcü ga



ãẽḡgacü ga Dabí nagu buxũne.



Rü nüma ga Yúche rü Dabítanüxü nixĩ rü yemacaḁ
Beréüwa naxü nax yaxugüxücaḁ wüxigu ngĩmaxã ga
María ga ngĩmaxã
naxãmãxchaücü. Natürü
ga María rü
itacharaü nax
naxãxacüxü.



Rü yexguma Beréüwa
nayexmagüyane, ngĩxna
nangu ga ngĩrũ ngunexũ
nax naxíraxacüxũ ga
María.



Rü yexma nabu ga nüxíraũcü ga ngĩne. Rü
naxchápenũxũmaxã inanuque. Rü wüxi ga wocaarü
chibüchicagu inacanagüxêxê,
yerü guma ãanearü pegüpataũ
rü naxããcu.



Rü Beréũarü ngaicamana nayexmagü ga ñuxre ga
carnérugüarü dauruũgü ga chütacü nachitaxũwa norü
carnérugüna ídaugüxũ. Rü ngürüãchi
yema carnérugüarü



dauruũgücax
nangox ga
wüxi ga

daxücüãx ga Cori
ya Tupanaarü
orearü ngeruxũ.



Rü Tupanaarü ünemaxã guxũwama nangóone. Rü yema carnérugüarü dauruũgü rü poraãcü namuũe. Natürü yema orearü ngeruxũ ga daxũcüãx, rü ñanagürü

nũxũ:

—¡Taxũ i pemuũexũ!

Erü pexcax nua chanange

i wüxi i ore i taãẽẽeruxũ i guxũ i duũxũgücax ixĩxũ.



Erü ñuxma rü Dabíarü ñane ya Beréũgu nabu ya wüxi ya
maxẽẽeruxũ. Rü nüma rü Cori ya Cristu nixĩ.
Rü ñaa tá nixĩ i perü cuaxruxũ. Rü tá
nuxũ ipeyangau ya wüxi ya
bucü ya



naxchápenüxũmaxã
nuquecü ya wocaarü
chibüchicagu cacü
— ñanagürü.



Rü ngürüãchi yema daxücüãx ga orearü ngeruũxütawa
nangox ga muxūma ga togü ga daxücüãx
ga orearü ngeruũgü.



Rü Tupanaxũ nicuaxũügü, rü ñanagürügü: —¡Tupanaxũ
picuaxũügü i pemax i daxũguxũ i
naanewa pengẽxmagũxũ! ¡Rü
pegũmaxã iperũngũxmüe i



pemax i ñoma i
naanecũãx ya
Tupana pemaxã
taãxẽgũxe! — ñanagürügü.



Rü nawena nax daxūwa naxĩxũ ga yema orearũ
ngeruũgũ, rü yema carnérugüarũ dauruũgũ rü
nügũmaxã ñanagürũgũ: —¡Ngĩxã Beréũwa ítayadau i
ngẽma ngupetũxũ i Cori ya Tupana tũxũ nüxũ
cuaxẽxẽxũ! — ñanagürũgũ.



Rü paxa inaxĩachi rü Beréũwa naxĩ. Rü
yexma nüxũ inayangaugü ga Yúche rü
María rü gumá bucü ga wocaarü
chibüchicagu cacü.



Rü nawena nax gumá bucüxũ nadaugüxũ,
rü duũxũgũmaxã nüxũ nixugüe ga yema
ore ga Tupanaarü orearü ngeruũgü ga
daxũcüãx namaxã nüxũ ixugüxũ ga gumá
bucüchiga.



Rü Ngechuchu rü
Yudéaanewa
yexmane ga ñane ga
Beréügu nabu ga
yexguma Eróde
ãëxgacü ixĩgu

ga yema nachixüanewa. Rü
yexguma nixĩ ga ñane ga
Yerucharéüwa nangugüxü ga ñuxre
ga yatügü ga nüxü cuaxüchigüxü ga
woramacuriwa ngúexü ga éstewa ne
ixü.



Rü duũxũgũna
nacagũe, rũ
ñanagũrũgũ:
—¿Ngextá nixĩ i
nangẽxmaxũ
ya yimá

Yudĩugũarũ ãẽxgacũ ya ngexwaca
bucũ? Toma rũ yéama éstewa nũxũ
tadau nax nangóxũ ya norũ
woramacuri rũ ngẽmacax núma taxĩ
nax nũxũ tayarũcuaxũũgũxũcax
— ñanagũrũgũ.



Rü yexguma ga ãẽxgacü ga
Eróde rü bexma nüxica
naxcax nangema ga yema
yatügü ga nüxü
cuaxüchigüxü ga éstewa
ne ãxü. Rü nüxna naca nax
taxacürü ngunexü yixixü ga
nangóxü ga gumá
woramacuri. Rü ñuxüchi ga
Eróde rü Beréüwa nanamugü
ga yema yatügü
ga éstewa
ne ãxü.



Rü ñanagürü nüxũ: —¡Ngéma
pexĩ rü mea naxcaᵁ
peyadaᵁᵁ i ngẽma buxũ!
¡Rü ngẽxguma nüxũ
ipeyangauxgu, rü chomaxã
nüxũ pixu nax choma rü ta
ngéma chaxũxũcaᵁ, nax
nüxũ chayarũcuaxũxũxũcaᵁ
i ngẽma buxũ! — ñanagürü.



Rü yexguma yema orexũ naxĩnũeguwena, rü inaxĩãchi
ga yema yatügü. Rü gumá woramacuri ga noxri éstewa
nũxũ nadaugücü rü napexegu
nixũchigü rü ñuxmata gumá
bucü ga Ngechuchu
íyexmaxũétüwa nangu.



Rü nagu nachocu ga gumá ñ ga nawa nayexmane ga
gumá bucü, rü yexma nüxũ nayangau ngĩmaxã ga naé
ga María. Rü gumá bucüpexegu
nacaxápüxügü, rü nüxũ
nicuaxüüügü. Rü ñuxũchi
nayawãxna ga norü
ãmarchixügü, rü
gumá bucüna
nanaxãmaregü ga
úiru rü pumaratexe
rü míra.



Rü yemawena ga yema yatügü rü nanegüwa Tupana
nayaxucuxëgü nax tama Eródecaḅ nawoeguxũcaḅ.

Rü yemacaḅ to ga namagu
nachixũanecaḅ nawoegu.



Rü yexguma marü
íyaxĩxguwena ga yema yatügü,
rü wüxi ga daxücüãx ga
Tupanaarü orearü
ngeruxü, rü nanegüwa
Yúchecaḡ nangoḡ, rü
ñanagürü nüxü:
—¡Nabaixãchi rü írüda!
¡Rü ínaxüxü namaxã ya
yimá bucü rü

naé rü Equítuanewa
naxü!



¡Rü ngéma pengẽmagü
ñuxmatáta choma cumaxã
nuxũ chixu nax ñuxgu tá
cutaeguxũ! Erü ãẽxgacü i
Eróde rü yimá bucücax tá
nadau nax yamáãxũcax
— ñanagürü nuxũ. Rü
yexguma ga Yúche rü
nabaixãchi rü ínarüda.

Rü yexgumatama
chütacü namaxã inaxũãchi
ga gumá bucü ga Ngechuchu
rü naé.





Rü Equítuanewa naxĩ. Rü
Equítuanewa nayexmagü
ñuxmata nayux ga ãẽxgacü
ga Eróde. Rü yemaacü
nangupetü nax yanguxũcax
ga Tupanaarü ore ga
nũxcümaũcü ga norü
orearü uruxũ nüxũ ixuxũ
ga ñaxũ: “Naxcax
changema ya



Chaune nax Equítuanena
nataeguxũcax”, ñaxũ ga yema
ore.



Rü yexguma ãẽxgacü ga Eróde
nüxü cuaxgu ga to ga namagu
nax nawoeguxü ga yema
yatügü ga nüxü cuaxüchigüxü
ga éstewa ne ãxü, rü poraãcü
nanu.





Rü Beréüwa nanamugü ga
norü churaragü nax guxü ga
yema naanewa tuxü
nadaixücax ga guxãma ga
guxema buxegü ga iyatüxe ga
yexwacax buexe rü ñuxmata
taxre ga taunecü tuxü



yexmagüxewa
nangu.



Yerü yema yatügü ga éstewa ne
ĩxũ rü marü nüxũ nixugügü rü
taxre ga taunecü nixĩ ga noxri
nax nangóxũ ga gumá
woramacuri.



Natürü yexguma marü
nayuxguwena ga ãẽxgacü ga
Eróde, rü wüxi ga daxücüãx
ga Tupanaarü orearü
ngeruxũ rü nanegüwa
Yúchecaḅ nangox ga
Equítuanewa.



Rü ñanagürü nüxũ: —Pa
Yúchex, jírüda, rü
pechiũanecax pewoegu
namaxã ya yimá bucü rü
naé! Erü marü nayue i
ngẽma
yamaxgüchaxũxũ ya
yimá bucü — ñanagürü.



Natürü yexguma Yúche nūxū
cuáchigagu nax
Aqueránu ãēxgacūxū
ingucuchixū nanatü ga
Eródechicüü ga



Yudéaanewa,
rü namuũ ga Yúche ga yéma nax
naxūxū. Yerü Tupana rü nanegüwa
nanaxucuxē nax tama yéma
Yudéaanewa naxūxūcaḡ.



Rü yemacaḡ Gariréaanewa
naxũ. Rü yexguma
Gariréaanewa
nanguxgu, rü ñane ga
Nacharétuwa
naxũ.
Rü



yexma naxãchiũ nax
yanguxũcaḡ ga yema ore ga
nũxcümaũgũxũ ga Tupanaarũ orearũ
uruũgũ nüxũ ixugũxũ ga ñaxũ: “Ngechuchu ya
Cristu rü Nacharétucüãḡmaxã tá nanaxugũ”, ñaxũ.



Rü Tupana rü
poraãcũ nũxũ
nangechaũ i ñoma i naanecũãx i
duũxũgũ. Rü yemaca_x inanamu ga Nane
ga nũgũmaxã wũxicacũ nax guxãma ya
texé ya nũxũ yaxõgũxe rü tama
itarũtauxexũca_x rü tũxũ
nangẽxmaxũca_x i maxũ
i taguma gũxũ.



Popera ga Rómawa yexmagüxü ga yaxögüxütanüwa
namuxü ga Pauru 3:23 Rü guxãma rü pecadu taxü rü
ngẽmacax nüxna tayáxügugü ya Tupana ya üü necü.

Popera ga Rómawa yexmagüxü ga yaxögüxütanüwa
namuxü ga Pauru 6:23 Rü natanü i ngẽma pecadu tüxna
ãxü, rü yu nixĩ. Natürü ngẽma ãmare ya Tupana tüxna ãxü
rü maxü i taguma guxü nixĩ i ngẽxguma tórü Cori
ya Ngechuchuaxü yaxögügu.

Popera ga Yudíugü ga yaxögüxücax ümatüxü 9:27 Rü
ngẽxgumarüxü nax wüxicanatama nayuexü i duüxügü rü
ngẽmawena Tupana tá nüxü nicagü, rü yexgumarüütama
ga Cristu rü wüxicanatama nügü inaxã rü nayu nax
naxütanüxücax i muxüma i duüxügüarü pecadugü. Rü
nüma ya Cristu rü wena tá núma naxü, natürü tama
pecaduarü ütanüwa. Rü tá núma naxü nax
namaxẽxẽãxücax i guxüma i duüxügü
i aixcüma ínanguxuxẽëgüxü.



Popera ga Epéchiuwa yexmagüxũ ga yaxõgüxũtanüwa
namuxũ ga Pauru 2:8,9 Rũ Tupanaarũ ngechaũgagu
penayaxu i maxũ i taguma gúxũ yerũ peyaxõgũ. Rũ ngẽma
maxũ rũ tama pegünatama penaxã, natürũ Tupana nixĩ ga
pexna naxãmarecũ ga yema. Rũ tama taxacũ i mexũ i
pexüxũgagu nixĩ i pexũ nangẽxmaxũ i ngẽma maxũ, natürũ
Tupana nixĩ ya pexna naxãmarecũ nax ngẽmaãcũ
taxúema tũgũ icuaxüxũxũcax.

Popera ga Rómawa yexmagüxũ ga yaxõgüxũtanüwa
namuxũ ga Pauru 10:9,10 Erũ ngẽxguma cuaxmaxã nüxũ
quixuxgu nax curũ Cori yixĩxũ ya Ngechuchu, rũ ngẽxguma
cuyaxõxgu nax yuwa Tupana ínadxẽẽxũ, rũ tá cuxũ
nangẽxma i maxũ i taguma gúxũ. Erũ ngẽxguma
Ngechuchuaxũ yaxõgũgu nixĩ nax Tupanapexewa imexũ.
Rũ taaxmaxã nüxũ tixu nax tórũ Cori yixĩxũ ya Ngechuchu,
nax ngẽmaãcũ nayaxuxũcax i maxũ i taguma gúxũ.



Ore i mexũ ga Cuáũ ümatũxũ 3:16,17 Rũ Tupana rũ poraãcü nüxũ nangechaũ i ñoma i naanecüãx i duũxũgũ. Rũ yemaca_x inanamu ga Nane ga nügũmaxã wüxicacũ nax guxãma ya texé ya nüxũ yaxõgũxe rũ tama itarũtauxexũca_x rũ tüxũ nangẽxmaxũca_x i maxũ i taguma gúxũ. Yerũ ga Tupana rũ tama ñoma ga naanewa nanamu ga Nane nax poxcu duũxũgũmaxã naxueguxũca_x. Natürũ núma nanamu ga Nane nax duũxũgũxũ namaxẽxẽxũca_x.

Nüxíraxũxũ ga popera ga Cuáũ ümatũxũ 5:11-13 Rũ yema Tupana nüxũ ixuxũ ga ore nixĩ nax nüma rũ tüxna naxããxũ i maxũ i taguma gúxũ. Rũ ngẽma maxũ i tüxna naxãxũ rũ Nanegagu tüxũ nangẽxma. Yíxema nüxũ yaxõxe ya Tupana Nane rũ tüxũ nangẽxma i ngẽma maxũ i taguma gúxũ. Natürũ yíxema tama nüxũ yaxõxe ya yimá Tupana Nane rũ tama tüxũ nangẽxma i ngẽma maxũ. Pa Chauenexẽgũx ya Tupana Naneaxũ Yaxõgũxex, pexca_x chanaxümatũ i ñaa ore nax nüxũ pecuáxũca_x nax pexũ nangẽxmaxũ i maxũ i taguma gúxũ.



Ore i mexũ ga Matéu ümatüxũ 1-2;
Ore i mexũ ga Luca ümatüxũ 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Ticuna Bible (tca) © 2022, Wycliffe Bible Translators, Inc. All
rights reserved.

<https://www.bible.com/bible/289/GEN.1.TCAP>

©2025 Bible for Children, Inc.

www.M1914.org

www.bibleforchildren.org

